

SABTU 12/04/14



AHMAD Tarmizi Ali dan Nurhidayah Abd. Rahman bersama hadiah yang diterima mereka selepas muncul johan qari dan qariah Majlis Tilawah al-Quran Terengganu Ke-57 di Dataran Bandar Marang, malam semalam.

## Tarmizi, Nur Hidayah wakili Terengganu

MARANG 11 April - Johan ran-cangan realiti televisyen, *Akademik al-Quran* musim keempat, Ahmad Tarmizi Ali, 29, dipilih sebagai qari terbaik dalam Majlis Tilawah al-Quran peringkat negeri di Dataran Marang di sini malam tadi.

Ahmad Tarmizi yang membawa pulang wang tunai RM7,000, sijil penyertaan dan piala akan mewakili negeri ke peringkat kebangsaan yang dijadual berlangsung mulai 13 hingga 17 Mei depan.

Johan qariah pula disandang oleh penuntut tahun akhir jurusan Reka Bentuk Perindustrian dari Universiti Sultan Zainal Abidin (UniSZA), Nur Hidayah Abd. Rahman, 23.

Ketika ditemui pemberita, Ahmad Tarmizi yang juga

merupakan penceramah bebas berharap peluang ke peringkat kebangsaan buat kali ketiga selepas tahun 2002 dan 2011 itu akan menjadi pemangkin untuknya berusaha lebih gigih.

"Saya bersyukur dan berterima kasih di atas kepercayaan yang diberikan ini dan berjanji akan berusaha sehabis baik untuk tidak mengecewakan rakyat Terengganu khususnya pada pertandingan itu nanti," ujarnya yang berasal dari Dungun.

Naili johan qari dengan hadiah wang tunai RM5,000 disandang oleh Aziz Mohamad yang juga berasal dari Dungun manakala Abu Bakar Deraman dari Hulu Terengganu di tempat ketiga (RM5,000).

Tempat kedua bagi kategori qariah pula menjadi milik Azi-

zah Zakaria yang juga berasal dari Setiu manakala Raziyati Mohd. Ali di tempat ketiga.

Kembar kepada Nur Hidayah, Nur Jannah yang turut bertanding gagal menempatkan diri dalam kelompok tiga teratas.

"Mungkin kali ini rezeki lebih memihak kepada saya berbanding adik," kata anak kelapan daripada 10 beradik itu yang pernah dua kali mewakili negeri pada pertandingan peringkat kebangsaan iaitu pada tahun 2010 dan 2011.

Sementara itu, kesemua lapan peserta yang mendapat hadiah sagu hati bagi kedua-dua kategori membawa pulang wang tunai RM2,000, sijil penyertaan serta cenderamata yang disampaikan oleh Menteri Besar, Datuk Seri Ahmad Said.